



ЛЕЗГИ

Газет

Жуван Ватан, ватанэглияр,
дидед ч'ал хуьх!



РД-дин Кьил Рамазан Абдулатипован 2017-ийсан 22-сентябрдиз кьабулнавай 244-нумрадин Указдал асаслу яз, зегьметдин рекье агалкунрай ва яргьал йисара бегьерлудаказ к'валахунай чи ватанэглия, ери-бине Докъузпара райондин Къурушрин хуьрай тир Гьасен Агьмедханович БАЛАТОВАЗ "Дагъустан Республикадин вилик лайхлувиленрай" орден ганва.

Къейд ийин хьи, республикадин общественный ва государственнй машгур деятель Гьасен Балатов Дагъустанда чкадин самоуправление арадал атунын бинейрив хъайи, адан кьанун-къайдадин, нормативно-правовой база тешкилуник къет'ен пай кутур ксарикай сад я.

"Лезги газетдин" редакциядин коллективди Гьасен Агьмедхановичаз члехи шабагъ тебрикзава ва адахъ чандин сагъвални яргьи уьмуьр хьун алхишзава.

1920 – йисалай акъатзава

N 40 (10789) хемис 5 – октябрь, 2017 – йис WWW.LEZGIGAZET.RU

Къимет "Дагпечатдин" киоскрай - 16 манат



Уьлкведин регьберди В.Васильев федеральный дережадин политик тирди къейдна

"Kremlin.ru" сайтдай

Дагъустан Владимир Васильевал ихтибарнава

3-октябрдиз Россиядин Федерациядин Президент Владимир Васильевахъ галаз гуьруьшмиш хъана. Гуьруьш киле фидай ч'авуз Президентди ам Дагъустан Республикадин Кьилин везифаяр вахтуналди тамамарзавайди яз тайнарун къарардиз къачунвайдан гьакьиндай хабардарна.

Владимир Васильев тебрик авуналди, государстводин кьили лагъана: "Къез чизвайвал, ихтилат Дагъустандикай къватйла, чна гьамиша ам санлай уьлкведин лап важиблу регионрин жергеда авайди фикирда къазва, Кавказдикай зун гьеле рахазвач. Дагъустан лап гуьрчег республика я, адан гуьзелвал неинки тлебиатдихъ галаз, сифтени-сифте ана яшамииш жезвай инсанрихъ галаз алакьалу я. Ана хейлин крар кьилиз акъудзава, са къадар крар хъсанвилехъ дегизи жезва, амма, гьайиф хьи, гьялна кланзамай месэлайрин сан лап екеди я.

Заз республикадин кьиле федеральный к'валахдин тежриба авай кас акъвазнайтла, лап риклин сидкьидай кланзавай. Заз Къевай къеведай йисан сентябрдалди республикадин руководителдин везифаяр кьилиз акъудун т'алабиз кланзавай. Анлай анихъ хейлин крар Къелай ва саки са йисан и девирда киле фидай крарилай аслу жедда. Вучиз лагъайтла, эхириджи гьисабда месэла Дагъустандин халкьдин векилри - республикадин парламентдин депутатри гьялун лазим я. Дагъустан вич лагъайтла, гзаф миллетрин векилрикай ибарат республика я".

Суйгьбет киле фидай ч'авуз В.Путина, къенепатан крарин министерствода ва Государстводин Думада к'валахуналди, В.Васильева лап еке тежриба к'ватнавайди къейдна: "И йисара, са шакни алачиз, Куьн чпиз чина политикадин жигьетдай еке пар квай ксар лугъзвайбурун жергедик акатна. Куьн федеральный метлеб авай, федеральный дережадин политик я. Зи гьисабрай, республикадиз къе гьа ихтин кас гереки ийизва".

Вичин жавабдин гафуна Владимир Васильева им вич патал еке ихтибарвал авун тирди къейдна: "Теклифун вични, а теклиф Куь патай агакьунни еке гуьрмет авун я. Зи вилик гьикьван асант тушир везифа акъвазаватла, за аннамиззава. Амма заз теклиф авуналди Куьне гьайиф ч'угван тийидайвал, за мумкин тир вири крар ийида. Виридалайни кар алайди лагъайтла, уьмуьр авайдалай хъсанди ийиз жедайди ва авунни лазим тирди инсанри гьиссун патал чалишмиш жедда зун.

Зун и к'валах риклин сидкьидай, жавабдарвилелди, са шакни алачиз, инсанрикай, чкадин кадрийрикай даях кьуналди, ийиз алахъда. За ана са мус ятлани, асантбурун тушир вахтара, к'валахайди я. Эгер заз Куьне ва гуьгьуйналай Дагъустандин халкьдини ихтин ихтибар авунватла, за, гьелбетда, жуван буржи, лап такабурулу, к'велелай исягъвал клани, бажарагълу, гзаф миллетрин векилрикай ибарат Дагъустандин халкьдикай даях кьуналди, намуслудаказ кьилиз акъудда. Дагъустандин халкь лагъайтла, заз мукьувай чизвайди я".

Гуьруьшдин эхирдай Россиядин Президентди Владимир Васильеван т'варцихъ агалкунар хъана кланивилин келимаяр лагъана.

ХИЗАНДИКАЙ:

Владимир Васильев 1949-ийсан 11-августдиз Московский областдин Клин шегьерда дидедиз хъана. Вичин аял вахтарикай суйгьбетдайла, Владимир Васильева асул гьисабдай вич-вичин ихтиярда хъайидакай лугъзува. Гьик хьи, адан диде Васильева Надежда Ивановнади хейлин вахт к'валахал акъудзавай (ам аялрин бахчада тербиячи тир).

Буба - Асанбаев Али (Абдуали) Асанбаевични - миллетдал гьалтайла къазахпедагог тир. Адан диде-буба Къазахстанда, адан диде иниз практикадиз атанвай ч'авуз, таниш хъайиди я, хизанда пуд аял тербияламишна - политикдихъ вичелай члехи къе стха ава. Ам тербияламишунин карда члехи бубади ва, кьилди къачуртла, ада к'ватнавай девлетлу библиотекади аквадай хтин роль къугъвана. "Гьа и литература келун себеб яз зун гележгдин пеше хьагъунин фикирдални атана", - хиве кьуна Владимир Васильева вичин са интервьюда.

Эвлениш хъанва. Уьмуьрдин юлдаш Васильева (Одинцова) Людмила Дмитриевна экономист я. Абурухъ Юлия т'вар алай са руш, гьакни хтул руш ава.

РД-дин Кьилин ва Гьукуматдин Администрациядин пресс-къуллугъ

▶ 2

Нумрадай клела:

ОБЩЕСТВО

Образование -

государстводин кар...

Виликан алверчини, завхозни, складдин къаравулни, виридалайни гзаф спортдин векилар управленийринни ведомствойрин, районринни шегьеррин, хуьреринни поселокрин кьиле хьун, экономика хьиз, образование, культура, медицина хьтин хилерни абурулай (абурун хушунлай) аслу авуни квекай лугъзува?..

▶ 4

ХУЬРУЬН МАЙИШАТ

Ципицлар к'ватл хъийизвай майишатриз фейила...

Алай вахтунда Сулейман-Стальский райондин хуьруьн майишатдин карханарихъ, КФХ-рихъ, арендаторрихъ бегьердал алай 1034 гектар уьзюмлухар ава. Анрай икьван ч'авалди 5000 тонндилаи виниз ципицлар к'ватл хъуьнува. Ци районда 10000 тонндилаи виниз ракънин кагърабаяр к'ватлун пландик кутунва.

▶ 7

УЬМУЬР

Сад лагъай чемпионат

Алай йисан 3 ва 4-октябрдиз Каспийскда, "Энергия" т'вар алай ДЮСШ-да, набут ва сергьятламиш хъанвай мумкинвилер авай инсанар патал тешкилнавай пешекарвилин бажарагъ къалурунун "Абилимпикс" сад лагъай фестиваль кьиле фена. Иштиракчийрин къадар 50-дав агакьнавай.

▶ 8

МЕДЕНИЯТ

Цмуррин школада ц'ийивилер

Цмуррин школадин директор Али Пашаева къейд авурвал, робототехника ва компьютердин программаяр келунин хиле кардик кутуни келзавайбурун вилик ц'ийи мумкинвилер ачухда.

▶ 9

МЕДЕНИЯТ

Чпин пешедал ашукьбуру

Мегьарамдхуьруьн райондин центральный библиотекадихъ хуьрера 24 филиал ва кьилди аялринни жаванрин отделар ава. Келдайбуру, иллаки школьнякар, желбун патал абурун иштираквални аваз мукьвал-мукьвал мярекатар кьиле тухуза.

▶ 10

СПОРТ

Жаванрин еке агалкунар

Анапада кикбоксингдай дуьньядин международный кубок патал кьиле феи чемпионатда ери-бине Къурагъ райондин Хуьрехуьрай тир Гьажимурадов Абдурагьма и акъажунра "лайт-контакт" ва "кик-лайт" къе разделдай дуьньядин чемпионвилин т'вар къазанмишна.

▶ 12

Дагъустан Владимир Васильевал ихтибарнава

1

ВАСИЛЬЕВ ВЛАДИМИР АБДУАЛИЕВИЧАН ГЪАКЪИНДАЙ

Ам Вирироссиядин "Сад тир Россия" твар алай политический партиядин Высший советдин Бюродин член, Вирироссиядин "Сад тир Россия" политический партиядин Генеральный советдин Президиумдин член, Россиядин Федерациядин Федеральный Собранидин Государстводин Думадин Председателдин заместитель, Россиядин Федерациядин Федеральный Собранидин Государстводин Думада "Сад тир Россия" фракциядин руководител я.

1972-йисуз ада СССР-дин МВД-дин Москвадин милициядин махсус юкван школа, 1978-йисуз заочниказ Вирироссиядин юридический институт, 1991-йисуз СССР-дин МВД-дин Академия куьтягна. Ам юридический илимрин кандидат я.

1967-1968-йисара ам дуьмдюз приборар акъуддай НИИ-дин алцумунин кваллахар тамамардай рабочий тир.

1968-1970-йисара ада Советрин Армиядин жергеяра куьлугъна.

1972-1983-йисара адакай Москва шегердин Бауманский РУВД-дин силсичи, инспектор, старший инспектор, БХСС-дин отделдин начальникдин заместитель, отделдин начальник хъана.

1983-1987-йисара Москва шегердин ГУВД-дин УБХСС-дин отделдин начальникдин заместитель-везифаяр тамамарна.

1991-1992-йисара адакай РСФСР-дин МВД-дин идара авун тешкилдай Куьлугъдин инспекциядин килин инспектор хъана.

1992-1993-йисара Россиядин Федерациядин МВД-дин штабдин Килин инспекциядин килин инспектор тир.

1993-1995-йисара МВД-дин



штабдин начальникдин заместитель - Оперативный управленидин начальниквили везифаяр тамамарна.

1995-1997-йисара ам Москвадин УВД-дин начальникдин сад лагай заместитель - штабдин начальник тир.

1997-йисуз РФ-дин МВД-дин тешкилла тахсиркарвилерихъ галаз женг чулгадай Килин управленидин начальникдин сад лагай заместитель-везифаяр тамамарна.

1997-1998-йисара РФ-дин кьенепатан крарин министрдин сад лагай заместитель - тешкилла тахсиркарвилерихъ галаз женг чулгадай Килин управленидин начальник тир.

1998-1999-йисара адакай РФ-дин кьенепатан крарин министрдин сад лагай заместитель хъана. 1999-2001-йисара ам РФ-дин Хатасузвили Советдин секретардин заместитель тир.

2001-2003-йисара адакай РФ-дин кьенепатан крарин министрдин статс-секретарь-заместитель хъана. Ам РФ-дин Федеральный Собранидин куд лагай (2003-2007-йи-

сар), вад лагай (2007-йисан декабр-дилай) созыврин Государстводин Думадин депутат тир. Хатасузвили рекъяй Государстводин Думадин Комитетдин Председатель, "Сад тир Россия" фракциядин член я.

2010-йисан сентябрдалди "Сад тир Россия" партиядин Твердин региональный отделенидин Политический советдин секретардин везифаяр тамамарна.

2011-йисан 4-декабрдин ам ругуд лагай созывдин Госдумадин депутатвиле, хатасузвили ва коррупциядиз аксивал авунин рекъяй Государстводин Думадин Комитетдин членвиле хъана.

2016-йисан 18-сентябрдин ам Россиядин Федерациядин Федеральный Собранидин VII созывдин Государстводин Думадин депутатвиле хъана. Ам "Гражданвили контроль" твар ганвай партийный проектдин руководител я.

Владимир Васильевахъ милициядин генерал-полковникдин чин ава. Ам "Ватандин вилик лайихлувилерай" IV дережадин ордендин, Виклегъвили Ордендин, Гьурметдин Ордендин, гьакни хейлин медалрин сагъиб я.

Хци месэляяр

Алатай гьафтеда Мегьарамдхуьруьн райондиз Дагъустан Республикадин чилерин, эменнидин алакъайрин ва алишверишдин месэлайрин рекъяй министрстводин куьлугъчияр мугъман хъанвай.

Министрдин заместитель Вадим Къехлерова, коррупциядиз акси гьерекариз талукъ месэлайрай министрдин куьмекчи Нажмудин Кулисанова, министрдин советник Мирисмаил Сеидова "Мегьарамдхуьруьн район" муниципалитетдин кьил Фарид Агьмедовахъ галаз санал агъалияр къабулна ва абурун арзайрихъ яб акална.

Сифте нубатда абур района медицинадин рекъяй агъалийриз хъсандиз куьлугъ авун патал гьихтин шартлар тешкилнаватла, гьа месэладиз килигна.

Мегьарамдхуьруьн райондин больницадин килин дуктурдин заместитель Алзира Широновади райондин поликлиникадин цийи дарамат эцигунин месэла кудна. Ада мугъманриз малумарайвал, района агъалийрин къадар гьар йисуз гзаф жезва. Чкадин поликлиникадиз къвалав гвай районрайни начагъбур къезва. Абурал алава яз, района авай пограничникрин хизанризни гьа и поликлиникадин работникри куьлугъзава.

Гьялдайдак умудар кутунва



- Чун чи кеспидин везифаяр намуслувилелди кьилиз акъудиз алахъзава, амма алатай асирдин 70-йисара рабочияр патал эцигай ва гила лап куьгъне хъанвай дараматда агъалийриз еридин куьлугъ ийиз агакъзава, - лагъана А.Широновади. - Мегьарамдхуьруьн район Дагъустанда члехибурукай сад ятлани, ина кьени алай аямдин истемешунриз жаваб гузвай дуьзгун поликлиника авач.

2009-йисуз эцигиз гьиле кьур, амма вучиз ятлани акъваз хъайи поликлиникадин дараматдин эцигунар давамар хъийидайдак А.Широновади умудар кутуна. Райондин килевайбуру, поликлиникадин руководстводи, коллективди республикадин органдиз ва федеральный ведомствойриз и месэла гьялун патал са шумудра хъинарни авуна. Амма...

Чна виликдай газетдай хабар гайивал, "Газпром трансгаз Махачкала" ООО-ди Мегьарамдхуьруьн райондин Филерин хуьруьн са магъледин агъалияр, "Моздок-Къазимегамед" газдин линиядиз мукъва эцигнава лугъуз, яшайшдин квалер чукур хъувуниз мажбурзавай. И месэладин патахъай хуьруьн агъалийрин са дестеди министрстводин векилар хабардарна. Абур кьейд авурвал, 15 квалин иесийриз чилер 1966-йисуз чара авунай. Вирида чпин участокрал квалерни эцигна, куьмекчи майишатарни кардик кутуна ва икван гагъди газдихъ галаз алакъалу компаниярин патай са наразивални авачир. Ингъе гила "Газпром трансгаз Махачкала" ООО-ди яш тамам тахъанвай 36 аял авай хизанрин квалер чукурин истемешзава. "Эгер чи квалер чукурлайтла, чаз фидай са чкани авач", - лагъана Филерин хуьруьн агъалийри.

Хуьрелрин хуьрай атанвай Тагьир Агьмедова Муьгьверганрин хуьруьн килихъ Самур вацун кьережда яд кватлдай килин имарат эцигунин месэла къарагъарна. Ада кьейд авурвал, селлер атайла, ци хуьруьн майишатдин суьрсет гьасилзавай чилер тухузва. Нетихада агъалийрин участокриз ва хуьруьн майишатдиз еке зиянар жезва. 2002-йисуз яд кватлдай килин имарат эцигиз гьиле кьунай. Анжах кьени ам эцигна акъалтларнавач.

Винидихъ твар кьунвай месэляяр республикадин министрстводин ва ведомствойрин куьмек, иштираквал авачиз гьялиз жедайбур туш.

Гуьруьшдал къарагъарай месэлайрин гьакъиндай министрстводин векилри Дагъустан Республикадин Гьукуматдин Председателди абур гьялдай къарар къабулун патал лазим справка хъийидайвал я.

Мегьарамдхуьруьн райондин администрациядин
пресс-куьлугъ

Ишлемишиз вахкуда

Хазран КЪАСУМОВ

Кьиблепатан территориальный округда Дагъустан Республикадин Килин патай тамам ихтиярар авай векил Энрик Муслимов ва Сулейман-Стальский райондин кьил Нариман Абдулмуталибов Сардархуьре эцигнавай аялрин цийи бахчадиз фена.

2016-йисан майдиз аялрин бахчадин дараматдин хандакдиз сифте къван вегъенай. 60 аялдиз чкаяр аваз типовой проектдай дарамат и хуьруьнви, Махачкъалада яшамеш жезвай карчи Сагъиб Алимован хуси такъатрихъ эцигна.

Дараматдиз, гъаят аваданламышнавай гьалдиз тамашай Энрик Муслимов ва Нариман Абдулмуталибов инанмиш хъайивал, аялрин бахчада вири жуьредин шартлар яратмишнава: аялар кьугъвадай, ксудай ва абур ял ядай квалер, пищеблок хъсандиз тадаракламышнава, видеогуьзчивилин, пожарный сигнализациядин тадарак эцигнава, пек-лек чуьхуьдай чка, гьакни санузел кардик ква.

Аялрин бахча кардик акатун патал герек документар туюкьуринин,



анак республикадин бюджетдик кутунин, пешекарар, гьакни электронный нубатдай аялар къабулунин ва маса крар куьтягуниз талукъ кваллах тухузва.

Энрик Муслимова хуьре алай аямдин истемешунриз жаваб гузвай аялрин бахчадин дарамат эцигунай Сагъиб Алимоваз сагърай лагъана.

Нариман Абдулмуталибова Э.Муслимовавай аялрин бахча ишлемишиз вахкун патал герек чарарцарар гъазуриз куьмек гун тлалабна. Эхирдай Энрик Муслимова ва

Нариман Абдулмуталибова мукъвал тир вахтунда аялрин бахча ишлемишиз вахкудайдак инанмишвал кьалурна.

Абур Вили Сталрин хуьруьн сергьятра интенсивный багълар кутунвай ва и кар давамарзавай "Паласа" ООО-дизни фена. Анал Н.Абдулмуталибова кьейд авурвал, 400 миллион манатдин кьимет авай и проект республикада члехибурукай сад я. Санлай къачурла, карханада 250 гектарда цийи кьайдадин багълар кутада, ана 350-400 касдиз кваллахдин чкаяр жеда.

Рагнеда РАМАЛДАНОВА

Алатай жуьмя юкьуз Махачкъалада, Аваррин театрдин фойеда, вири дуьньяда гьар йисуз (29-сентябрь) кьейдзавай Риклин йикъан сергьятра аваз риклин профилактикадин ва ам ахтармишунин серенжемар кьиле тухвана. Тамам 3 сятда меркезвийриз ва мугьманриз пулсуздакач чпин риклер ахтармишдай, духтурривай меслятар къачудай мумкинвал хъана. Сир туш, Виридуьньядин здравоохраненидин организациядин (ВОЗ) делилралди, къенин юкьуз дуьньяда риклинни дамаррин азаррики инсанар кьиникъ 1-чкадал ала. Идахъ галаз алакълу яз Риклин йикъан макьсад агъалияр гъавурдик кутунин къвалахдал ва профилактикадин серенжемрал фикир артух желб авун я. Рикл ахтармишунин серенжем тешкилайбур Дагъустандин здравоохраненидин министерстводик акатзавай республикадин кардиодиспансер (РКД) ва республикадин медицинадин профилактикадин центр (РЦМП) тир.



Риклин югъ кьейдна

Фойедиз гъахъзавай чкадал серенжемдин иштиракчияр РД-дин Минздравдин РЦМП-дин кьилин духтурдин заместитель Элеонора АЛИЕВАДИ къаршиламышзавай, чазни адахъ галаз суьгьбетдай мумкинвал хъана. Адан гафарай малум хъайивал, рикл ва риклин азаррал гъизвай себепар ахтармишуниз талукъ серенжемар чи республикада 2015-йисалай

(2015-йиса Виридуьньядин риклинни дамаррин патологиядин йис аз малумарнай) инихъ активнидаказ кьиле тухуз эгечна. ИкI, алай йисан майдин вацра артериальный гипертониядихъ (дамарра ивидин гьерекат къадардилай йигин хъун) галаз женг члугвадай, Виридуьньядин сагъламвилдин ва маса йикъариз талукъарнавай са жерге серенжемар кьиле тухвана.

- Чехи пай инфарктрин ва инсультрин вилик пад къаз жедай, эгер инсанри чпин дамаррин ивидин гьерекат, холестерин ва шекер гуьзчивилик кутунал амалнайтIа. Къенин юкьуз и кардикай вири медикри са сивай тикрарзаватIани, нетижаяр хъсанбур туш, риклинни дамаррин азарар себеп яз уьмуьрдай физвайбурун къадар тIимил жезвач. Кичлерар гун туш, статистикадин делилри шагьидвалзавайвал, риклинни дамаррин азаррики гьар йисуз дуьньяда 17,3 миллион кас рекъизва. Абурун жергеда чеб хаталу азардикди начагъ ятIа хабар авачирбурни ава, - гъайиф

члугналди суьгьбетзава Элеонора Цахаевнади. - Кар кардай фейила, гьич са духтурдивайни чара ийиз жедач. Азаррин вилик пад кьуниз талукъарнавай серенжемриз иллаки артух фикир гана кланда.

Къейд авун лазим я хъи, Риклин йикъан сергьятра аваз тешкилнавай "сагъламвилдин майдандал" гьам чехибурувай, гьамни аялривай чпин сагъламвал ахтармишиз жезвай. Серенжемра гзаф ксари иштиракна, садбур, и серенжемдикай хабар авачиз, дуьшуьшдай акъатнавайбур тир, муькуьбуру и югъ вилив хуьзвай, гъатта Каспийск шегьердай атанвай ксарни авай. Жуьреба-жуьре яшара авайбур-жегиларни, аяларни, эгълибурни.

Фойедиз гъахъвалди серенжемдин иштиракчийривай сифте нубатда чпин заланвални къакъанвал чириз жезвай. Абурун бинедаллаз пешекарди инсандихъ гьикъван артухан килограммар аватIа чирзавай. Бедендин заланвал гзаф тир агъалийриз гигиенадин рекъай тербия гудай пешекарри меслятар къалурзавай. Яргъл йисара ПIапIрус члугвазвай ксаривай ина никотиндилай аслу-

вал ахтармишизни жезвай. Иниз атанвай ксариз чпин ивидик квай шекердин къадар, дамаррин ивидин гьерекат чирдай, ЭКГ ийидай, гуьгъуьнлайни кардиологдин, психоневрологдин меслятар къачудай мумкинвал хъана.

Республикадин кардиологический диспансердин кьилин категориядин духтур-кардиолог Фариди Налибиевади артухан заланвал авай инсандин риклел еке



азаб ацалтзавайдакай, инсандалгзаф пи акъалтуну риклинни дамаррин азаррал гъизвайдакай суьгьбетна. ИкI, ахтармишайбурун чехи пай духтуррин гуьзчивилик квайбур, вахт-вахтунда дарманар хъавзвайбур тир. Йисар 30-далай жегил итимдиз (багъда ми хъи гъавадал сейр ийизвай ам иниз дуьшуьшдай акъатнавайди тир) вичин уьмуьр хаталувилик квайди хабар авачир. Адаз алава ахтармишунар авунин меслят гана. Пешекарди къейд авурвал, республикадин кардиодиспансердин учётда риклинни дамаррин азарар авай 300 агъзурдалай виниз агъалияр ава. ПIапIрус члугвазвай ксарин жигерриз хъиз, риклизи и чIуру хесетди еке зиян гузва. Бедендин артухан заланвални рикл патал хаталу я.

Серенжем кьиле тухузвай дараматдин вилик ДГМУ-дин активистри манийрикайни кьуьлерикай ибарат тир машгълардай программани тешкилнавай. Эхирдай, риклин ярж лишанламишун яз, яру шарар пайна.

Интернатда - мугьманвиле



ЧИ КОРР.

1-октябрдиз Дагъустандин зегьметдин ва яшайишдин жигьетдай вилик финин министр Расул Ибрагьимов Махачкъаладин "Ветеран" тIвар алай интернатда мугьманвиле хъана. Ада Яшлубурун международный йикъан сергьятра аваз кьиле тухвай суварин мярекатра иштиракна.

Мярекат башламишдалди вилик Расул Ибрагьимов интернатдин директор Мажд Мирзаевахъ галаз санал яшлу ксар яшамеш жезвай чкайриз тамашна, абурун гьал-агъвалдикай хабарар кьуна.

Идарадин актовый залда кьиле фейи суварин мярекат Р.Ибрагьимова ина яшамеш жезвай вири ксариз Яшлубурун международный югъ тебрик аву-

нилай башламишна. Яшлу ксарин патяхъай къайгъударвал авун министрстводи кьилин фикир гузвай меслярикай сад тирди кьейдна.

- Къенин сувариз рикл къелай-чехи яшарин инсанрилай - разивилин гьиссерив ацанва. Куь умуьрдин тежриба, зегьметда куьне къазанмишнавай агалкъунар чун патал чешне, куь патяхъай къайгъударвал авун чи гьар садан буржи я. Куьне ялгъузвал гьисс тавун патал, къарши яз, гъамиша чи патай къайгъударвал ва чимивал гьисс авун патал чна алакълдай вири жуьредин куьмекар гуда, - алава хъуьна ада.

Эхирдай яшлу инсанриз Дагъустандин музыкантрин Союздин правленидин председател Хан Баширован регьбервилек кваз Даггосфилармониядин артистри манийр тамамарна. Сувар ачу суфрайрихъ давам хъхъана.

Сад лагъай чемпионат

ФЕСТИВАЛЬ

Рагнеда РАМАЛДАНОВА

Чна виликамаз хабар гайивал, алай йисан 3 ва 4-октябрдиз Каспийскда, "Энергия" тIвар алай ДЮСШ-да, набут ва сергьятламиш хъанвай мумкинвилер авай инсанар патал тешкилнавай пешекарвилини бажарагъ къалурун "Абилимпикс" сад лагъай фестиваль кьиле фена. Иштиракчийрин къадар 50-дав агакънавай. Абурун иниз Махачкъала, Каспийск, Буйнакск (са руш - Москвада) шегьеррай, Хив, Табасаран, Чарода ва маса районрай атанвай. Чемпионатдин программадик 6 жуьре хилерай-психологиядай, программировандай, массаж авунай, таржумачивилий, баскетбол къугъунай ва школада клелзавай аялар патални куьлуьхтарикай шиклар гъазурунай - акъажунар квай. Гамар ва халичяар хурунай и чемпионатдин сергьятра аваз презентация кьиле тухвана. Иштиракчийрин къвалахриз 50 касдикай (юкьван образованидин идарайрин муаллимар ва карханайрин векилар) ибарат тир жюриди кьимет гана. Чемпионатдин тешкилатчи РД-дин зегьметдин ва яшайишдин жигьетдай вилик финин министрстводин жегилар къвалахдалди таъминарун рекъай "Успех" центр тир. И жуьредин фестиваль Кеферпатан Кавказда сад лагъай сеферда кьиле тухвана.

РИКИЕЛ ХКИН: алай йисан августдиз РД-дин Гьукуматдин Председатель А.Гьамидова Дагъустанда сергьятламиш хъанвай мумкинвилер авай инсанар патал пешекарвилини бажарагъ къалурдай конкурсрин сад лагъай фестиваль тешкилуни ва кьиле тухунин ме-

сэлайрал машгъл жедай 16 касдикай ибарат тир десте тестикулярнай.

Алатай асирдин 70-йисара Японияда арадал атай "Абилимпикс" гьерекат яргъл вахтунда анжах са и улкведа кардик квай. И гьерекатдин международный конкурс сифте сефер яз 1981-йисуз Токиода кьиле тухванай. Гила чемпионатар, Олимпиададин къугъунар хъиз, 4 йисалай са сеферда тешкилзава. "Абилимпикс" гьерекатда дуьньядин 40-далай виниз улквейри фикир желбнава. Россия и международный гьерекатдик 2014-йисуз эгъечна. 2015-йисуз сад лагъай милли чемпионат кьиле тухванай, ана улкведин 29 региондай тир 250-далай виниз инсанри 29 пешедай чпин устадвал къалуруна.

Къейд авун лазим я хъи, чи республикада тешкилай сад лагъай фестиваль хъсан гъазурлухвал, тешкилувал аваз кьиле фена. Чемпионатдин иштиракчийриз вири куьлайвилер тешкилнавай. Абуру иштиракзавай хилез килигна, садбурув алатар авай ящикар вугана, муькуьбуру компьютрихъ ва станокрихъ чка кьуна... Къве юкьуз давам хъайи акъажунрин нетижата экспертриз бажарагълубур хъядай мумкинвал хъана. Милли чемпионатда гъалибвал къазанмишай жегил гадайри ва рушари гила Россиядин хъянавай командадик кваз чпин устадвал дуьньядин чемпионатда къалурда. Идалайни гъейри, (и чемпионатдин кьилин макьсадрикай садни и кар тир) набут ва сагъламвал сергьятламишнавай хейлин ксариз къвалахдай чкаяр жагъурдай мумкинвални хъана.

Чемпионатдиз тамашиз школайра клелзавай гзаф аялар, республикадин машгълур спортсменарни атанвай. Абурун чемпионатдин иштиракчийр патал Дагъустандин эстрададин гъетерин культурадин программани къалуруна.

Осман Мегьамедрагьимован - 70 йис

Эмираслан ШЕРИФАЛИЕВ

Яргъа авай дагъларикай малум жезвай ракънин нурари къвазвай марфадин кулъуь стӀалрив рапрапар гуз тазва. Авадан хуьруьз Махачкъаладаини Дербентдай, Усугъчайдила, лезги маса хуьрерайни мугьманар, вилик-къилик квай ксар ахмиш жезва. Паталай атанвай машинар чкадин агъалийри ашукь Османан квал галайвал ракъурзава. 3-октябрдиз ина, РД-дин культурадин лайихлу работник ашукь Османан квал, чӀехи мярекатар къурмишнавай, ашукьдиз 70 йисан юбилей мубаракзавай.

Мугьманар ашукь Османан адан хизанри, Авадан хуьруьн администрациядин кьил Бахтияр Мегьамедрагьимов, хуьруьн агьсакьалрин Советдин председатель Дадаш Дадашева къаршиламышзава. Ашукьар тир Алихана, Шимшира, Айдуна, МутӀалиба, хурал



редактор Нариман Ибрагьимова ва масабурни лагъана. Абуру Османнахъ галаз таниш хъайи вахтар рикел хкана, ашукьдин устадвилекай суьгьбетарна ва виридалайни чӀехи бахт-мурад къе хтурли чӀехи бубадин рехъ давамарун тирди кьейдна.

межрегиональный фестивалда, республикадин "Мани лагъ, ашукь" фестивалда, "Россиядин хизан" фестиваль-конкурсада сифтегъан чкаяр къур ам адетар ва несилрин алакьаяр хуьнай "Россиядин хизан" премиядин "Династия" номинациядин, гьакӀни Азербайжандин ашукь-

Авадандал - ашукьрин сувар



чунгьурар алаз, мугьманарни юбиляр шадарзава, рубгъ, гьевес кутазва. Атанвайбуру суфрайрихъ худда тостар лугьузва.

Докузпара райондин администрациядин кьилин заместитель Сурея Исмаиловади ашукьрин хизандихъ квиле Осман Мегьамедрагьимов аваз мадни еке агалкьунар, идалай къулухъ мадни чӀехи юбилеяр кьейддай мумкинвилер хьун алхисна.

Республикадин халкъдин яратмишунрин кваллин (РДНТ) векил Минажат Мурадовади РД-дин культурадин министр Зарема Бутаевадин ва РДНТ-дин директор Марита Мугадовадин тебрикдин чарар кӀелна, ашукьдив пишкешар вахкана. М. Мурадовади ашукь Осман Кьиблепатан Дагьустандин, вири республикадин медениятдик кутунвай пай кьейдна.

Гьар са тостунилай гуьгьуьниз ашукьри лезгийрин милли ва чпин хуси авазар тамамарзавай. Юбилярдиз манийралди тебрикдин гафар лугьузвай. Шиирралди, манийралди тебрикар Осман Мегьамедрагьимован веледри, къуни-къуниширини ийизвай.

Докузпара райондин администрациядин кьилин заместитель Салигъ Гьажимурадова райондин кьил Абдурагьим Алискерован тебрикдин чар кӀелна, пишкешар ва райондин гьурметдин знак вахкана.

Тебрикар-тостар райондин культурадин управленидин начальник Беглерхан Бабаева, хуьруьн кавха Бахтияр Мегьамедрагьимов, "Лезги газетдин" политикадин отделдин

Мярекатдин эхирдай ашукь Осман хурал чунгьур кьуна... Нянин, тӀебиат секин вахт, хуьре ашукь Османанан ва адан чунгьурдин ван гьатна. Лезги халкъдин манияр, вичин ва маса ашукьрин эсерар ада лап таъсирдайвал тамамарна.

Осман Мегьамедрагьимов 1947-йисуз Ахцегь райондин Мичегьрин хуьре дидедиз хьана. Мичегьвияр хьуйтӀухъхай суьруьяр гваз Азербайжан пата авай къишлахрал физ, гатфариз хайи дагълариз хквез, яшаммиш жезвай куьчери халкъ тир. Османни гьевчи чӀавадай зегьметдал рикӀ алаз чӀехи хьана. Сифтегъан классар хуьруьн школада кӀелай ада чирвилер къачун Ахцегьа давамарна. Жегьил гадади колхоздани кваллахзавай. Мичегьрин дагъларай армиядиз феий Осман Каспий гуьлуьн, ракъун рекьин ва къадим Дербент шегьердин патав гвай Авадандал хтана. Гьа и йисара мусибатдин залзаладилаи къулухъ Ахцегь райондин гзаф хуьрер арандиз куьч хьанвай. Ина ада яшаммиш жедай квал, хуьруьн клубдин ва мискӀиндин дараматар эцигна.

Османа вичин чӀехи буба зуьрнечи Мемметрагьима хьиз кфил ягиз чирна ва чӀехи стхадихъ галаз межлисра зил къаз гатунна. Вичин алакьунар ада Лезги театрдин актёр язни ахтармишна. Лугьудайвал, ашукь яз Османаз вичиз-вич жагъана. Ам Вирисоюздин халкъдин яратмишунрин са шумуд фестивалдин лауреат - Юкъван Азияда, Закавказьеда, Ташкентда, Кировабадда киле феий ашукьрин фестивалрин гьалибчи я. Ашукьрин манийрин

рин фестивалдин премиядин лауреатни я. Гзаф мярекатра ада вичин хуси эсерар тамамарзава, месела, "Авадан хуьр", "Хьсан къариридиз", "Дустар сагърай" ва мсб.

Арандиз куьч хъайи хуьре вичин гьилералди эцигай клуб 1996-йисуз ада республикада авайни-авачир "Ашукьрин кваллиз" элкьурна ва къенин йикьалди анин директор яз кваллахзава. Ина са шумуд ашукьди ва маса пешекарри зегьмет члугвазва. "Ашукьрин квалле" гьазурнавай халкъдин симер алай алатрин пешекарар вири республикадиз ва адалай къецепатани машгьур хьанва. Абуру жуьреба-жуьре шабагьрин сагьибар я. Жегьил несилдиз лезги халкъдин симер алай алатар ягиз чирунилай гьейри, ашукьди ина музалатар туйкьурдай устӀарханани кардик кутунва.

Осман Мегьамедрагьимов чӀехи хизандин кьил - цӀуд веледин буба я. Адан вири аяларни музыкантар я. Вирида устадвилелди чунгьур, саз, далдам ва музыкадин маса алатар язава. Хизандин ансамблдизни Ашукь Османан вичи регьбервал гузва. Мегьамедрагьимоврин хизандин ансамблди международный ва регионрин арада киле физвай фестивалра Дагьустандин патай векилвалзава.

Чунгьурни гваз ам къецепатан уьлквейриз, Россиядин гзаф шегьерриз фена, гьар сана вичиз еке гьурмет къазанмишна, цийи дустар-танишар хьана. Юбилейдин юкъузни магьир устаддиз, ашукьдиз гзаф чкайрай тебрикдин зенгер, телер къевезвай.

Цмуррин школада цийивилер

Жабраил АСЛАНОВ, Хазран КЬАСУМОВ

Алатай гьафтеда Цмуррин юкъван школада инновациядин образованидин "Передвижная роболаборатория" проект уьмуьрдиз кечирмишунин мураддалди менфятлу мярекат киле тухвана.

"Робототехникадин гьафте" проект уьмуьрдиз кечирмишунин мярекатар киле физвай Цмуррин юкъван школада ибарат кваллин ва производстванин цехрин эцигунрал Сулейман-Стальский райондин кьил Нариман Абдулмуталибовни фена. Малум тирвал, 120 ученик-



Мярекат школадин директор Али Пашаева ачухна. Ада кьейд авурвал, робототехника ва компьютердин программаяр кӀелунин хиле кардик кутуни кӀелзавайбурун вилик цийи мумкинвилер ачухда.

"Передвижная роболаборатория" проект образованидин хиле уьмуьрдиз кечирмишунихъ авай менфятлувилекай мергьяматлувили "Пери" фондунин Event - менеджер Мегьамед Чезраева гегьеншдиз суьгьбетна.

Мярекатдин сергьятра аваз райондин школайра 2-8-классра кӀелзавай аялрин дестейрин (гьар дестеда 7 кас авай) арада робототехника чир хуьнай акьажунар тухвана. Анал "чирвилерин майданар" тешкилнавай, кӀелзавайбурун арада викторинаяр, мини-акьажунар, мергьяматлувили "Пери" фондунин мастер-классар тухвана, гьакӀни роботрин са шумуд жуьре кьалурзавай выставка тешкилна.

"Робофутбол" ва "Робосумо" мастер-классра кӀелзавайбуруз чпин гьилералди роботар кватӀдай ва школьникрин пуьлтин куьмеқдалди чеб футбольдин ва сумодин майданрал алайди гьисс ийидай мумкинвал гана.

Акьажунра тафаватлу хъайи школьникрин мергьяматлувили "Пери" фондунин патай махсус значокар гана.

диз чкаяр авай Цмуррин юкъван школа 2016-йисан сентябрдиз ишлемишиз вахкана. Алай аямдин школа эцигунин ва анаг цийи тадарақалди таъминарунин кваллахар Марат Шайдаева тешкилай мергьяматлувили "Село" фондунин кьилиз акьудна. И проектдиз 50 миллион манатдилаи виниз пул акьатна. Цийи школа чпин кьимет 5 миллион манатдилаи виниз тир тадарақалди таъминарнава. Абурук къецепатан чӀаларин классар, лабораторияр, информатикадин класс акатзава.

Школадин проект гьазурдайла, инвесторди муаллимар патал квалер, школьникрин дерзичивилин, токарвиллин, кларас гьалдай пешекарар гьазурдай устӀарханаяр эцигун хиве кьунай. Мергьяматлувили фондунин Дагьустандин госуарствонин аграрно-экономический техникумдихъ галаз амадагвиллин алакьаяр хуьни планламишнава. Анрин муаллимири 9-11-классра кӀелзавайбуруз пешекарвал къачунин карда куьмекар гудайвал я. Рабочий пеше къачунвайвиллин гьафутболдин ва сумодин майданрал алайди гьисс ийидай мумкинвал гана.

Вичик нек, емишар гьалдай, комбикормаяр гьазурдай цехар акатдай производствонин базада пешекарвиллин сифтегъан чирвилер къачун тешкилда. Хъайи къазанжияр инвестор Марат Шайдаевахъ школадин игътияжриз ва муаллимриз алава мажибар гуниз серфдай фикир ава. Н.Абдулмуталибов школада тухузвай кваллахрилай рази яз амукьна.



Акъажунар - 12 жуьредай

Владикавказдин "Спартак" аренадал Кавказдин халкъарин культурадин ва спортдин VIII фестивал кыле фена. Ам ачухунин шад мярекатда Кеферпатан Кавказдин краай РФ-дин министр Лев Кузнецова, СКФО-да РФ-дин Президентдин патай тамам ихтиярар ганвай Векилдин заместитель Валерий Попкова, Кеферпатан Кавказдин регионрин регьберри иштиракна. Дагъустан Республикадин патай ана РД-дин Гьукуматдин Председателдин Сад лагъай заместитель Анатолий Къарибова векилвална.

Кеферпатан Осетия Республикадин Кьил Вячеслав Битарова нубатдин фестивал чпин республикада кыле тухун еке жавабдарвал ва ихтибарвал тирди кьейдна.

Ци фестивал ачухуниз талукъ тебрикар космосдай, косми-



ческий станциядин экипаждин членрилай - Александр Мисуркиналай ва Сергей Рязанскийдила атана.

Концертдин программада 500-дав агакна артистри иштиракна. Лев Кузнецова лагъайвал, кос-

мосдай и мярекатриз фикир гуни фестивал гьакьикъатдани вири алемдинди авуна.

Валерий Попкова СКФО-да РФ-дин Президентдин патай тамам ихтиярар ганвай Векилдин тебрикар чар келна.

Спортдин акъажунар 12 жуьредай кыле фена - къезил атлетикадай "эстафета", армспортдай, цил ялунай, юквар кутлуннаваз къуршахар кьунай, цилинай хкаж хьунай, кирераллаз къекъуьнай, менилдиз пар члугунай, къуватдин троборьедай, путар хкажунай, яргъаз хкадарунай, хьелерай ягъунай, мини-футболдай. Чпин къуватар Кеферпатан Кавказдин вири республикайрин векилри, санлай 350-далай виниз спортсменри алцумна.

Дагъустандин хягъай командади фестивалда 2-чка кьуна, 1-чкадиз Кеферпатан Осетиядин спортсменар лайихлу хьана.



Жаванрин еке агалкъунар



Анапада кикбоксингдай дуньядин международный кубок патал кыле феи чемпионатда дагъустанвийрин команда тафаватлу хьана. Акъажунра 28 улькведай 1200 спортсменди иштиракна. Дагъустандин командадик кваз аниз феи 54 спортсмендилай 20 - къизилдин, 11 - гимишдин ва 9 буьруьнждин медалар гваз хтана.

Вичин ери-бине Кьурагь райондин Хуьрехуьряй тир Гьажимурадов Абдурагьима и акъажунра "лайт-контакт" ва "кик-лайт" кьве разделдай дуньядин чемпионвилдин твар къазанмишна. Адахъ галаз Кьиргъизистандай, Эрменистандай, Къазахстандай ва масанрай тир спортсменри къуватар алцумна.

2007-йисуз дидедиз хьанвай Абдурагьима Махачкъала шегьердин 3-нумрадин школада келзава ва гьа са вахтунда 1-нумрадин школадин патав гвай ДЦБИ-да Вагъаб ва Абдула Амаеврин гьилик кикбоксингдин сирер чирзава. Ирид йис хьайидалай къулукъ вичиз еке аш-

къи аваз спортдин и жуьредал машгьул тир Абдурагьим пуд сеферда Дагъустандин чемпион, са шумудра Махачкъаладин чемпион, алатай йисуз, 9-Майдин суварихъ галаз алакьалу яз, Ленинкентда кыле феи акъажунрин, 2017-йисан гатфарихъ Ростовский областда тухвай Шолохован тварунихъ галай турнирдин, гатуз Брянский областда "Лацу жанавуррин", Избербашдин чемпионатдин, сентябрдин сифте килера тухвай Каспийск шегьердин чемпионатдин кивенквечи я. Жегьил пагъливандин шабагьрин арада 15 кубок, 20-дав агакна грамотаяр ава. Бок-

зилияда дуньядин чемпионатда иштиракдай мурад ава.

Кикбоксингдай мад са къурагьвиди агалкъунар къазанмишунин гьакьиндай чав Ставропольский крайдай хабар агакна.

Агьмед Агьмедова Македониядин меркез Скопье шегьерда кикбоксингдай Европада кивенквечивал патал кыле феи акъажунра 1-чка кьуна.

Акъажунар кикбоксингдин ругуд разделдай тухвана. Ина 37 улькведай атанвай 1500 спортсменди иштиракна. Россиядин хянавай командадик Ставропольский крайдин



сдани ада вичин къуватар ахтармишзава, агалкъунарни ава.

Алай вахтунда гьевчи пагъливан Дондин Кубок патал ва Самарадани Санкт-Петербургда кыле фидай акъажунриз гьазур жезва. Абдурагьимахъ кьведай йисуз Бра-

векиларни, гьа жергедай яз чи ватангьли, Изобильненский райондин Московское хуьре яшамыш жезвай Агьмедов Агьмедни квай.

Ада 81 кг-дилаай артух заланвал авайбурун арада гьалибвал къазанмишна.



2:2 гьисабдалди

Россиядин футболдин Премьер-лигадин 12-турдин сергьятра аваз Махачкъаладин "Анжидихъ" Санкт-Петербургдай "Зенитдал" гьалибвал къачудай мумкинвал авай. "Анжидин" хийридиз Олег Данченкоди ва Адлан Кацаева гьарда са туп яна. Александр Кокорина "Анжидин" варариз туп янавай. Болельщикри Махачкъаладин клубди и сеферда гьалибвал къазанмишда лагъана еке умудар кутунвай, амма Леандро Паредеса тупарин къадар барабар хьувуна.

Идалай виликан турдани "Анжи" Москвадин "Спартакдихъ" галаз гьа ихтин гьисабдалди къугъванай.

Дагъустанвийриз кумукьна




Каспийскда Али Алиеван тварунихъ галай спорткомплексада итимрин арада волейболдай Россиядин чемпионатдин высший "А" лигадин III турдин сергьятра аваз Махачкъаладинни Грозныйдин командаяр къугъвана.

Акъажунрин 1-йикъан 1-партияда 25:17, 2-партияда 25:15, 3-партияда 25:18 гьисабдалди Дагъустандин команда вилик акатна. Пакад юкьуз пуд партияда чи команда вилик квай, са партияда Грозный кьве балдин вилик акатна. Нетижда 3:1 гьисабдалди Дагъустандин волейболистар гьалиб хьана.

Алай вахтунда турнирдин таблицада 1-чкадал "МГТУ-Москва", 2-чкадал "Торпедо Челябинск", 3-чкадал Махачкъала ала.

Хийирлу меслятар кьалурна



Чехи жезвай несил ватанпересвилдин, руьгьдин ивиррин бинедаллаз тербияламышунин мураддалди Сулейман-Стальский райондин имамрин советдин председатель Гьасан гьажи Амаханов жаванрихъ галаз гуьруьшмиш жезва. Нубатдин сеферда райондин имам Кьасумхуьрел кардик квай стхаяр тир Кьурбановрин тварунихъ галай самбодинни дзюдодин спорткомплексдиз фена.

Жегьил спортсменрихъ галаз суьгьбетра ада чехи-гьеве-чидиз, диде-бубадиз, муаллимриз гуьрметунал фикир желбна.

Гьасан Амаханова итижлу мисалралди гележегдин пагъливанриз тербиядин хьсан тарс гана, гележегда гьар садаз герек кьведай хийирлу меслятар кьалурна.

Чин гьазурайди - Дагъви ШЕРИФ

пятница, 13 октября

РГВК
07.00 Новости Дагестана
07.15 Передача на аварском языке «Поданги глалмалги заманги»
08.00 Мультфильмы 0+

ПЕРВЫЙ

5.00 Доброе утро.
9.00 Новости.
9.15 Жить здорово!
10.20 Контрольная закупка.

РОССИЯ 1

08.3511.40,17.4014.40,17.40
Вести-Дагестан
18.00 Ток-шоу. Территория общения

НТВ

5.00 Т/с "Лесник".
6.00 Сегодня.
6.05 Т/с "Лесник".

ДОМАШНИЙ

6.30 Жить вкусно с Джейми Оливером.
7.30 По делам несовершеннолетних.

ТВ-ЦЕНТР

6.00 Настроение.
8.00 Тайны нашего кино.
"Полосатый рейс."

ЗВЕЗДА

6.00 Х/ф "Восек Трубачев и его товарищи".
8.00,9.15,10.05Х/ф "Отряд Трубачева сражается".

суббота, 14 октября

РГВК
07.00 Новости Дагестана
07.15 Передача на кумыкском языке «Заманлар гете, халк гетмес»

ПЕРВЫЙ

6.00 Новости.
6.10 Х/ф "Давай поженемся".
8.00 Игрой, гармонь любимая!

РОССИЯ 1

08.25 Мир Вашему дому
08.45 Дагестан спортивный
09.00 Голос Евразии

НТВ

7.25 Смотр.
8.00 Сегодня.
8.20 Новый дом.

ДОМАШНИЙ

6.30 Жить вкусно с Джейми Оливером.
7.30 6 кадров.

ТВ-ЦЕНТР

5.25 Марш-бросок.
5.50 АБВГДейка.
6.20 Х/ф "Опасно для жизни".

ЗВЕЗДА

6.00 Х/ф "Кольца Альманзора".
7.15 Х/ф "Три толстяка".
9.00 Новости дня.

воскресенье, 15 октября

РГВК
07.00 Новости Дагестана
07.15 «Мой малыш»
07.45 Мультфильмы 0+

ПЕРВЫЙ

7.50 М/с "Смешарики. Пин-код".
8.00 Часовой.
8.35 Здоровье.

РОССИЯ 1

08.45 Вести-недели.
7.35 Смехопанорама.
8.05 Утренняя почта.

НТВ

5.05 Х/ф "Зимний вечер в Гаграх".
7.00 Центральное телевидение.

ДОМАШНИЙ

6.30 Жить вкусно с Джейми Оливером.
8.00 Мелодрама "Золушка.ru".

ТВ-ЦЕНТР

7.30 Фактор жизни.
8.00 Д/ф "Георгий Даниеля. Великий обманщик".

ЗВЕЗДА

5.35 Х/ф "Тайна железной двери".
7.00 Х/ф "Без права на ошибку".

КУЛЬТУРА С 9 ПО 15 ОКТЯБРЯ

ПОНЕДЕЛЬНИК
8.00 Новости культуры.
8.05 Правила жизни.
8.35 Х/ф "Аббатство Даунтон", 5 с.

СРЕДА

8.00 Новости культуры.
8.05 Правила жизни.
8.35 Х/ф "Аббатство Даунтон", 7 с.

ЧЕТВЕРГ

8.00 Новости культуры.
8.05 Правила жизни.
8.35 Х/ф "Аббатство Даунтон", 8 с.

ПЯТНИЦА

8.00 Новости культуры.
8.05 Россия, любовь моя!
8.35 Д/ф "М. Кшесинская".

СУББОТА

8.55 М/ф "КОАПП".
9.45 Пятое измерение.
10.20 Обыкновенный концерт с Э. Эфировым.

ВОСКРЕСЕНЬЕ

8.40 М/ф:
9.35 Д/ф "Передвигники. Валентин Серов".
10.00 Обыкновенный концерт с Э. Эфировым.

РАДИО

ИСЛЕН, 9-ОКТЯБРЬ
12.10 «Дагустан». Хабарар
12.35 «Хважамжам».
САЛАСА, 10-ОКТЯБРЬ
12.10 «Дагустан». Хабарар

